

Siunnersuut uunga: Imigassat aalakoornartullit pillugit Inatsisartut inatsisaata allangortinnera pillugu Inatsisartut inatsisaat nr. xx, xx xxx 2019-imeersoq

(Inuusuttut imigassanik aalakoornartulinnik sassaallerfiusartuniittarnerata qaqugukkuusarnissaanik allangortitsineq, pisiniarfinni tuniniaanermut piffissat ammaffiusartut sivitsorneqarnerat, imigassat aalakoornartullit ussassaarutigineqaqqusaannginnerisa qasukkarneqarnera taamatullu pisiniarfinni imigassat aalakoornartullit asserneqarsimasussaanerisa atorunnaarsinneqarnerat)

§ 1

Imigassaq pillugu Inatsisartut Inatsisaat nr. 35, 23. november 2017-imeersumi uku allangortinneqassapput:

1. I § 2-mi *imm. 8-tut ilanngunneqassaaq*:

” Inuusuttut 18-it ataallugit ukiulittut paasineqassapput inuit 15-iniit 18-inut ukiullit .”

2. § 20, *imm. 4imatut oqaasertalerneqassaaq*:

"Nal. 23:00-ip kingorna inuusuttut 18-it inorlugit ukiullit sassaallertarfinnut imigassanik aalakoornartulinnik sassaallertartunut iseqqusaassanngillat angajoqqaaminnit, nakkutiginnittumininimilaluunniit inummik allamik oqartussaassusilimmit inuusuttumut immikkut akisussaasumit ilagineqanngikkunik. Akuersissummik pigisaqartup aamma taassuma sulisuisa pisussaaffigaat nakkutigissallugu inuusuttup 18-it inorlugit ukiullip pissusissamisoortumik ilagineqarnissaa."

3. § 25, *imm. 1 imatut oqaasertalerneqassaaq*:

” Imigassanik aalakoornartulinnik tuniniaasoqarsinnaavoq ataasinngornermiit arfininngornermut nal. 10:00-niit 20:00-mut.”

4. § 26-p *kingornatigut immikkoortortap qulequtaa imatut allassimalissaaq*:

“ *Pisiniarfinni imigassamik nittarsaassineq imigassanillu aalakoornartortalinnik inissitsiterisarneq.*”

5. § 27, *imm. 4, atorunnaarsinneqassaaq, taarsiullugulu imm. 3-p kingornatigut immikkoortortatut nutaatut ikkunneqassalluni*:

” *Imm. 4. Imm. 1-imi aamma 2-mi inertequtaagaluartoq suliffeqarfiit internettimi suliffeqarfiit matoqqasunik nittartagaanni imigassanik aalakoornartortalinnik nittarsaassisinnaapput. Imatut tunitsivissarsiortoqassaaq qupperneq matoqqasoq taamaallaat imigassanik aalakoornartulinnik imaqartillugu.*”

6. § 27-mi imm. 4-ip kingornatigut *immikkoortoq nutaatut* ikkunneqassaaq:

” Imm. 5. Imm. 1-imi aamma 2-mi inerteqqummut ilaanngilartaaq ussassaarineq pisiniarfiup initaani aamma sassaallertarfiup initaani pisoq aalakoornartortaata procentia apeqqutaatinna-gu.”

Imm. 5 matuma kingorna tassaalerpoq *imm. 6*.

7. § 27-mi imm. 7-itut ikkunneqassaaq:

” Imm. 7. Imigassat aalakoornartullit ussassaarutigineqarnerat imigassap saniatigut sunniuti-gisartagai taamatullu pinngitsuuisinnaajunnaarneq sumi pisinnaanersoq pillugit paasissutissa-nik ilaqartinneqartassaaq.

8. § 27 malillugu immikkoortortap qulequtaa atorunnaarsinneqassaaq.

9. § 28, *imm. 1* atorunnaarsinneqarpoq.

Imm. 2 matuma kingorna tassaalerpoq *imm. 1*.

10. § 28, imm. 1-imi, ”assersuineq aamma” peerneqassaaq.

§ 2

Inatsisartut inatsisaat ullup saqqummiunneqarfimmi aqaguani atortuulissaaq.

Namminersorlutik Oqartussat, ulloq xx.xx. 2018

Kim Kielsen